



近  
品  
集  
一

詩  
賦

卷  
十  
一

^ 16  
2395  
1



2395  
1-16

近齋集總目

近齋集

卷之一

賦

詩

卷之二

詩

卷之三

詩

卷之四

書

近齋集 總目

卷之五

書

卷之六

書

卷之七

書

卷之八

書

卷之九

書

卷之十

書

卷之十一

書

卷之十二

書

卷之十三

書

卷之十四

書

卷之十五

書

卷之十六

書

卷之十七

書

卷之十八

書

卷之十九

書

卷之二十

書

卷之二十一

序

記

卷之二十二

題跋

銘

箴

贊

傳

論

說

卷之二十三

雜著

卷之二十四

雜著

卷之二十五

雜著 經義

卷之二十六

雜著 經義

卷之二十七

祭文

告文

卷之二十八

哀辭

行狀

卷之二十九

行狀

卷之三十

行狀

墓誌銘

卷之三十一

墓誌銘

墓表

墓碣

遺事

家錄

卷之三十二

語錄

近齋集總目

近齋集卷之一目錄

賦

雲賦

詩

午眠

驪江客懷

楓溪

謁仙源金先生影堂

秋雨

奉別舅氏俞公

彥民

評事之行

二首

春日望弼雲臺

暮春

遣興

苦熱

月夜

金仲寬

在淳

來訪坐月話詩夜深而罷吟得一

詩翌朝書示求和

雪後月色皎然盈戶夜深獨坐自成佳趣

詠苑署園中松

悼二江

上溪園

仙源金先生

賜祭日志感

悼金敘五

履周

詠盆梅呈金丈

喆行

夜吟

平倉雜詠

渡江

三田碑

凝清閣聽琴

又賦



冬至書懷

入北倉

木川拜外王父墓

鶴橋山

牙州志感

志感

次弟平叔準源韻

別海美李戚天培

李將軍舜臣雙劍歌

憶土亭遺蹟有感

過李忠武廟

夜坐與平叔賦

過茗泉拜副學金公時粲

貢湖

與平叔同遊貢湖

貢津城上觀海

踏青後一日與仲寬同遊貢津得湖字

家君過甲串津有一律敬次

登伏龜亭見尤翁詩刻在石上敬次其韻

運漕詩

途中憶家弟

涉川行

思亡妹述悲

九日旅懷

甲申孟秋至洪州拜岳翁金公

時筮

墓二一首

悲歌行

憶弟

聞平叔讀朱書吟示

見志

雜詩二一首

動石

省先墓

俞汝成

漢雋

來宿有詩次之

過銅津

生日

俞汝成贈余以詩用其韻和之

晴

古詩

打魚歌

到介湖聞主人觀魚往茅島

登永保亭

自水營乘舟向寒山寺次唐人韻

黃鶴樓

廉村李叔

德周

來過有志感詩呈于家君家君

命胤源和之謹書此以簡李叔

渡臨津口號

滿月臺

過平山觀玉溜泉

到能城登黃鶴樓

靈泉窟

黃鶴樓詩寄平叔

避暑黃鶴樓

鸚鵡洲

秋日登樓懷家弟

能城江觀漲

練光亭

浮碧樓

箕子墓

涵碧亭

平壤詩

過松京謁先祖文正公書院 三首

花石亭

夜坐與平叔共賦

志喜

月溪八景

立春

元日述懷

平叔寄一律用其韻答之 二首

山中賞花

述懷 二首

瑞典途中

朴淵

觀音寺

花潭

善竹橋

謁崧陽書院

九日室人在蒼谷送酒一壺時再從叔父同敦

公 師漢 分送菊花數叢摘花泛酒與平叔對

飲

漢湖拜贊善金公 元行

過三洲誦先生歷歷三洲見夕陽之句謹書感懷

謁石室書院

和汝成冠子詩 二首

曉發平山

臨行與穉子

雪中過滿月臺

近齋集卷之一目錄

近齋集卷之一

賦

雲賦

高山之頂多巨石土精聳骨崖氣結核盤陀礪磊虎蹲兔伏苔蘚上覆泉瀑中激有氣洙滄觸而出焉升于上清須臾四達播靈液於仙噓颺神光於龍噴欲雨沛而先集將雪下而自繁是氣也吾知其為雲稽于古則上需著於韋編有滄咏於葩章唐史並舉於日就鄒經亦云其霓望虞工歌於禮漫姬宣歎於昭回軒皇取之於紀官魯公書之於登臺其潤物之功



用應世之災祥信乎其靈且異矣觀其彌于天則蓋  
藍鬣隼斐壘播逸紛紛郁郁冥冥鬱鬱或如人立或  
如馬馳或如相揖或如相持初縈紆而作林忽婆娑  
而成衣始翩躚而鳥翔復蜿蜒而龍飛於是天設青  
城帝張紫蓋玉女垂帷靈官建旆媧石玲瓏蜃樓崢  
嶸碎片錦開加點畫明吞山則峰巒添奇照江則波  
瀾交紋烟助媚而嫋娜風起懶而紛紜嗟容態之無  
窮固難得而悉云若乃離亭木落客路菊殘山長水  
遠歌闌酒闌瞻孤影之傍馬憐聚散之無定行遲遲  
於落日倚征轅而淚迸又如沙塞草白戍樓月黑寒

柝傳聲長笛送曲仰陣上之慘惓悲殺氣之蘊結懷  
家鄉兮萬里魂黯黯而欲絕或乃孤臣節士疎斥流  
放佩湘潭之芰蘭滯蠻荒之烟瘴瞻天兮陰氛隔視  
日兮浮氣迷憫宵人之蔽聰怨黃昏之違期苑忠憤  
而靡訴獨慷慨而歔歔至夫隱士遯世自守高標辭  
玉帛而偃蹇樂琴書而逍遙對片靄之棲簷愛閒情  
之一般詎堪持而贈君恐輕舉而出山其所以感人  
而興懷者蓋亦異其端矣若乃古昔興亡世界翻覆  
朋友離合英雄闔闢續無常而變改兮摠厥象之在  
茲豈惟占於陰晴兮定物理之可推行雖異於疾舒

兮歸竟同於消滅寧壽歿之動心兮庶安命而爲悅  
彼不義之富貴兮孔聖視而如浮比鵬翼於垂天兮  
笑莊周之繆悠睢掉舌而自致兮遷又希其附驥吾  
知名利之不可求兮願自從于已志玩終日之飛揚  
兮會何有乎愁思過前川而賞花兮欣午景之澹澹  
臨方塘之半畝兮觀天光於一鑑諒前哲之所樂兮  
吾靡斯而與誰既有悟於遠覽兮盍敞辭而述之羞  
周謠於崑崙兮陋楚賦於高唐握弗律而潛思兮闡  
道妙而成章亂曰玉宇遼闊浮雲塞兮月輪韜映星  
晦色兮倏而風來陰氣闢兮或東或西遂無跡兮譬

如人心爲物濁兮誠敬以治明命復兮瞻彼起滅戒  
私慾兮庶潔靈臺共天廓兮

詩

午眠

庭樹陰濃細雨來薔薇花落海棠開閒齋寂寂人高  
臥隔葉鶯聲午夢迴

驪江客懷

忽作江湖客泊泊久不歸寒天時極日鴻鴈向南飛

楓溪

殘雪迷松逕携筇意正閒日將樓影靜春入澗聲還

幽境疑塵外高談出世間相看忘主客同是愛溪山

謁仙源金先生影堂

老柏森森蔭廟墻忠臣遺像在中堂巖題更有尤翁筆此地長留日月光

秋雨

小院梧桐葉已稀西風吹雨入柴扉寒蟲依草應愁濕宿鳥投林也不飛淅瀝秋聲偏到枕霏微夜色正生衣燈前獨臥吟詩苦半世空嗟志業違

奉別舅氏俞公

彥民

評事之行

厭直承明問幾秋出叅蓮幕儘清遊塞山壁立惟長

白大筆題詩可與侔

其二

先王功業拓山河豆滿江流靜不波 聖代卽今書檄少南樓華燭聽嬌歌

春日望弼雲臺

遊客探春去復來朝朝車馬向雲臺花叢不似人心薄寒士庭前亦自開

暮春

前川楊柳拂青絲芳草和烟午景遲莫惜風光三月暮落花猶勝見開時



遣興

庭前夏木自清風盡日簾垂一院空  
乳燕雙來花落後啼禽多在葉深中  
詩因觀物成新興書爲存心續  
舊功且喜家貧猶有酒時時獨酌似陶翁

苦熱

野馬塵埃色蒼蒼六月南溟大鵬翔  
海風但吹窮髮北不與平陸作微涼  
仰視中天赫曦出騎龍赤帝來  
扶桑紅鏡上空燒寰宇祝融威烈火旗張  
砂焦玉熠金銀流端蟬肖翹咸爛傷嗟我  
小民暍欲死其性未曾學粵揚萬人喘息  
如吳牛蝸廬政苦蒸朝陽貴里

錦棚通爽氣候家寶犀徹流光不知外邊有炎熱肯  
分清涼同四方行人飲冰原隰路羈客穿岸瘴癘鄉  
况余病骨三庚蟄整衣欲坐心發狂白紵單衫厚於  
綿對食汗翻如探湯神昏氣濁鬱未醒終日低垂伏  
枕傍萬國洪爐無所逃眼看天地都茫茫河朔縱酒  
思袁紹柳下鍊鍛憶嵇康乞爲松林吸露蟬願作江  
漢泳水魴安得仙竈飛雪散滌煩寧軀代蔗漿窓間  
蟻蠓夕亂飛無賴竹簟與石床四序平分相迭代會  
有金風吹夜霜

月夜

枕席清無寐題詩倚草堂梧桐秋正早蟋蟀夜初長  
坐月全身白當風一面涼觀心渾覺妙且復繞池塘

金仲寬

在淳

來訪坐月話詩夜深而罷吟得一

詩翌朝書示求和

新談大半是吟哦幽事如期月上坡憐我元宵題鳳  
意枉君今夕步蟾過雪殘花魄前林動風度松聲遠  
壑多更鼓初鳴相送罷孤燈寂寂閉書窩

雪後月色皎然盈戶夜深獨坐自成佳趣

月從今夜白林雪色相宜燭物應無隱窺心敢有欺  
明光誰不見灑氣我先知千載濂溪像依稀想在茲

詠苑署園中松

蒼松獨立小園中歲暮長吹烈士風何不隨人同日  
死天留此樹表精忠

園松卽成公三問所植云

悼二江

我僕二江湖爲死我心悲酸久未已昔汝總角供灑  
掃已能慧悟隨頤指自憂主病侍廳邊鍊藥煎茶夜  
未眠有時應門引賓客手擎盃觴善周旋長大多能  
頗解事貧家百役一身萃中心白直不欺主石奴熊  
翹今可二觀者稱奇或字呼待之不以奴隸徒汝心  
益恭不敢惰朝暮奔走疲筋膚登園伐薪煖房堞入

近齋集 卷一  
林剪葵供庖厨槽間養馬馬又肥不愛私錢充豆芻  
數十餘年殫赤忠苦樂惟與家主同持燭屢勸甄生  
讀結車欲送韓子窮我謂汝主豈長貧會當免役酬  
此功手種園花一夕枯忽驚凶兆殞汝躬薄歛淺埋  
亦可悲惟蓋無報吾實愧親知往往書相慰人世勸  
善終難爲正如蓋臣效心替蒼天何爲速奪去我無  
手足措未得何事從今不思汝衣架書床孰齊整蔬  
田果圃孰鋤除縱有千僮贖何由餘者桀黠皆難收  
擔糞曳柴猶厭苦向隅怨詈聲不休何處得來如二  
江執役不令其主憂

上溪園

亂木圍無數奇花名不知陰崖常帶雨流水自生池  
亭古塵心絕詩清晚景移深林容散步狙狝與相隨

仙源金先生 賜祭日志感

一酌沁州已此年白雲 宸藻又香烟 大明日月  
猶非晦丞相祠堂永不遷偏悼忠魂惟 聖主久延  
胡命奈皇天人觀盛禮爭奔走病我溪南獨悵然

悼金敘五

履周

三月和風發欣欣物皆榮如何此時節君乃殞其生  
自書短命辭或者有前知倘非本心清靈悟詎如斯

遊齋集 卷一  
嘗以婚姻故早識爲佳士天姿秀而潔皎若琳琅美  
與我同年甲情好兩無隔憶在梨湖館讀書共一席  
作楷羨妙藝爲詩讓高手我敢叔自處待君以朋友  
論心永夜言月白江樓雪相別數百里雲樹思耿結  
去冬入三清頗喜近白眉步履可來往源源期在茲  
此事忽大謬送君臥泉臺日月亦云久我懷逾悲哀  
尙說尊爺恨湖駕未及復孀婦與稚孤觸境應慘目  
欲致誅君章恐添雙淚落

詠盆梅呈金丈

昔行

脆亦扶陽氣寒猶占早春粧成初半面香發已全身

獨立常邀月深居欲避塵吾詩愧東壁未足答花神

夜吟

暝光山更迥積雪洞仍幽孤鳥深藏藪疎星淡近樓  
天寒妨病骨歲暮有窮愁不寐還高詠燈花枕畔留

平倉雜詠

獨立山窓下松風吹客衣雪殘留數片日落有餘輝  
梵釋雲同在樵童鳥與歸不愁空米橐書史可忘饑

渡江

沙路江轉近亂石如碁環津樹正扶疎帆影出其間  
下馬立寒汀落日喚篙師小舟載我去春風衣上吹

坐看山色好舟行不厭遲江水漾新綠游魚樂可知

三田碑

江帶無限媿石露可憎面願借雷公手碎此千萬片

凝清閣聽琴

客子携琴至高樓月色寒復從池上聽疑是水中彈

又賦

夜靜絲桐語秋光滿碧池聲隨流水滑意與白雲遲  
月下彈初好松間聽更奇養心應賴此吾欲學琴師

冬至書懷

白日一線長明月十分圓

十五冬至故云

長短與圓缺光陰

若逝川床頭見新曆我生又一年不恨功名晚但恨  
學力微一陽生道心今夜知前非閉關須善養聖訓  
寧敢違

入北倉

僧寺何須問官樓可占閑石明曾坐處花發舊棲山  
松子時時落樵童日日還機心吾已忘飛鳥近窓間  
木川拜外王父墓

小子生違膝尊靈詎識顏泣看惟舊墨拜謁是空山  
松立高風後亭留逝水間幽明應不遠德誨悅躬攀

鶴橋山

昔人乘白鶴來遊此山中西望滄海闊玄洲杳難通  
鶴老能變化一聲吐長虹直奪烏鵲巧不假鼇鼉功  
異事誰能傳因之名此山我來千載後青山不改顏  
仙歸清都上鶴去綵雲間登山空悵望仙鶴幾時還

牙州志感

王母歸寧地家君作宰居流風瞻峴岵至恨結潘輿  
撫迹思庭柿傷心薦海魚白頭官婢在話舊淚盈裾  
志感

范公語諸子未忘吳中爨大人宰百里昔賢同一歎  
縣俸雖云薄猶堪十口養主恩有今日人事異疇

曩豈無石浦魚欲餐先摧腸况復此山川云我外氏  
鄉觀誌思先蹟逢人稱弟行余痛何時已到此增感  
傷睠言我舅氏乃在木川廬匹馬數來往相對涕漣  
如

次弟平叔

準源韻

邑中鷄犬靜村廬閑倚高樓眺望初雲擁海門帆影  
遠日斜公館柳陰疎客來山色詩篇裏吏散禽聲簿  
牒餘聞說東深名寺近伴僧吾欲讀殘書

別海美李戚

天培

同是清江後相逢滄海中分離雙鬢白信宿一燈紅

有淚思王母論詩憶晚翁憐君明日發敝褐畏寒風

李將軍

舜臣

雙劍歌

將軍腰帶雙寶劍光如蓮花氣如虹精芒炫晃奪人  
瞳視之不可分雌雄千金買來何國市絕勝吳鉤與  
燕匕忠義淬礪爲鋒鏑公與神物兩相得烏夷舳艫  
蔽天來提出南方討國賊一劍誓心天地動一劍染  
血山河清壁門雲黑殺氣暗滄海日赤寒光明指揮  
千軍號令肅船頭屹然樹三尺未戰先已驚賊膽清  
正行長皆辟易晝洗初臨玉浦水夜磨更倚釜山石  
麾如孔明白羽扇插如輕車大黃箭此劍臨陣久無

敵整頓青丘百餘戰一白露梁星墮空至今零落塵  
匣中白巖谷裏忠臣宅子孫守之傳無窮南州父老  
向余言夜夜紫氣亘長天拂拭苔紋爲一見舊刻八  
字猶宛然嗚呼百年壯志鬱不平壁上二龍空飛鳴  
劍兮劍兮我國中興是爾力爾與將軍同有萬古

名

忠武公雙劍今在子孫家劍面有公自銘一曰三尺誓天山河動色一曰一揮掃蕩血染山河

憶土亭遺蹟有感

先生遺澤滿湖山異草奇花若可攀池水填來魚網  
處郡樓移置鶴橋間潮生豪傑言猶在碑泣人民淚  
自斑滄海時看明月出百年精爽悅重還

過李忠武廟

吾東還有武侯賢  
過客傷心古廟前  
欲識精忠能貫日  
須看劔氣尚衝天  
露梁餘恨空流水  
巖谷遺墟但暮烟  
國恥南蠻猶未雪  
今年使者又乘船

夜坐與平叔賦

書室懸燈坐更深  
騷騷飛雪半簾侵  
他鄉梅動新春意  
遠壑松含暮歲心  
無事官僮窓下睡  
喜詩阿弟夜中吟  
江湖適性須爲樂  
鏡裏霜毛恐不禁

過茗泉拜副學金公

時粲

白首無官心自閑  
溪山扶杖鶴飛還

洞名青鶴故云

休言野

老堪爭席已得清  
名滿世間

貢湖

春天極目絕氛埃  
城下層溟萬頃開  
秀色山從平澤出  
寒聲潮自水原來  
風生別浦孤舟上  
日暮遙汀獨鳥迴  
老柏蒼然危岸立  
波濤震撼不曾摧

與平叔同遊貢湖

列郡峰巒在我前  
滄波上下盡青天  
島光霧捲漁人戶  
檣影雲隨賈客船  
蕩潏初看潮勢急  
空明復是夕暉懸  
尋源直欲窮西極  
萬里長風意渺然

貢津城上觀海



層城枕長湖下臨無底谷回首西北裂峰巒失重複  
滄波一何闊百川如輾輻瀾漫開天地蕩漾凌坤軸  
長風萬里動怒濤相逐蹙側耳聞雷霆毛髮竦以肅  
俄頃倏開霽纖漪淨紋縠詎知雄傑態復此媚心目  
蒼茫辨島嶼明滅見漁屋商船自何郡鳧鷖與相逐  
潮來嚙城根潮去復平陸噓喙誰主張若有神鬼伏  
山浮六鰲背雲出羣龍腹日月從西懸恍疑攀若木  
蓬瀛不難到紫芝如可掬俯視塵寰窄吾道免跼蹐  
平生喜壯遊直欲窮四瀆前年來鶴山茲湖接林麓  
時向南亭望渺如杯水覆今日快開眸曾懷豁幽獨

始信溟渤大元氣久涵蓄日夜去滔滔尾閭洩不縮  
望洋未須驚觀瀾理已熟會待秋濤盛重遊且可卜

踏青後一日與仲寬同遊貢津得湖字

官城繫馬坐青蕪閑看漁舟晚泛湖近海麥田先得  
潤入雲莓島不勝孤寒潮蹙地疑霜雪夕照翻山作  
畫圖知子平生遊內浦風光誰似貢津無

家君過甲申津有一律敬次

漕舟繫纜大江津戰地悲歌擊楫辰天設金湯應爲  
國人將杯酒却謀身南樓日暮思丁丑北極星迴遇  
甲申詩句摠含朝海意湖亭一讀整衣巾

登伏龜亭見尤翁詩刻在石上敬次其韻

川上靈龜伏槐邊客馬停洛書觀理意杖屨憶登亭  
運漕詩

邑人打鼓賽水神信風山下漕船發行如車馬戒舟  
楫八島鶴項平地越沿海貢稅七州粟船船各載五  
百斛今年轉運不可遲洛陽府庫頗虛縮 王事不  
憚重溟涉官家千里寄一葉柁樓日出華蓋翻海門  
天長畫角喧三老長年笑相慶風雨不動波如鏡小  
邑仁聲不自居休徵歸之我 王聖金浦月明乘潮  
濟揚帆直泊西江底戶部尚書初閱舶太倉郎官催

納米請看此米民所種有司固合思節用 九重每  
下薄賦詔年年郡縣惟正供

途中憶家弟

孤征意無賴回首鴈飛過落日驅馳苦秋風離別多  
人間將白髮馬上且高歌歸對湖亭月思君復若何

涉川行

八月陰雨壯巨川漲如江秋水鳴洶洶觸石如相撞  
行子不可涉四望無舟筏岸上見人髻呼作越川卒  
赤身渡水來雙肩負客去語以心勿恐重言可無慮  
入水行如陸過水疾如船須臾定喘息已立平沙前

騎馬將復行投以橐中錢若非爾輩力性命詎得全  
濟衆功亦大抹溺意誠仁方知泗水者正是擇術人

思亡妹述悲

廣津江上雨霏霏去年八月丹旄飛兄弟人間哭向  
天孤魂一去何時歸憶昔送汝嫁比隣儺佩嗟笑往  
來頻只言生時無遠離誰知死別長含悲春草平丘  
已萋萋獨有筵几在楓溪稚女不知阿孃歿呼孃索  
乳時時啼我聞此聲淚隨落况汝地下傷魂魄婉容  
淑質不復見至今閭里咸嗟惜茅廬俞子文章士稱  
述懿範哀辭作欲持此文慰九泉後人可使知汝賢

九日旅懷

海國秋風起湖亭暮景斜十年已無酒九日未開  
花爲客身多病傷時髮欲華登高復何興回首故鄉  
遐

甲申孟秋至洪州拜岳翁金公時完墓

亂木秋蟬響正哀空山駐馬獨徘徊今來那得容顏  
接只向荒原偃僂迴

其二

學道成名不可期髮蒼非復少年時經過公墓能無  
愧虛負平生受厚知

悲歌行

甲申三月初七夕暮雲慘惓天無色朝鮮志士泣向  
天垂淚欲說 崇禎年崇禎年事不忍說 崇禎皇  
帝殉社稷壽皇亭前草木深山海關下烟塵黑單于  
直來坐金宮萬姓盡化爲犬戎何人不改漢衣服我  
國猶懸周日月將軍林公是歲歿萬古遺恨失北伐  
大明一樹植海東年年 禁苑花自紅尙見腥塵汗  
中原 朱氏于今無子孫人間歲回 皇祚訖香火  
夜入朝宗門 皇靈彷彿儼寶座風馬雲旗降 帝  
左只有茅屋祭楚昭竟無七首送荆軻皮幣北走遼  
河濱公卿但畏虜人嗔我逢此歲空太息中夜悲歌  
豎毛髮一歌匪風淚如雨二歌下泉淚如雪嗚呼我  
歌歌正苦蒼天無語我膽裂

憶弟

與君別幾時北風忽已寒鴻鴈月下鳴驚我孤夢殘  
山川渺以阻矯首發長嘆欲往從之遊冰雪行路難  
聞平叔讀朱書吟示

大哉朱子書六經發蘊蓄萬理妙難窮一一剖如竹  
力排葱嶺佛辭闢象山陸羣蒙豁昏蔽皦日出暘谷  
古道雖在此今人多不讀班馬肖眉髮老莊蠹心腹  
奇味競自悅反棄粟與菽喜君抱遺編日夜研究熟

正宜去膠盆肯似買珠櫝籬應有拾歸歟吾刮目

見志

我心曷不樂幸為丈夫身詩書以為業自與聖賢親  
聖賢即我師眎我萬理真方寸雖至微宇宙足彌綸  
苟能得斯道庶不虛為人禽獸徒蠢動草木皆浮塵  
願持光明寶循義而蹈仁

雜詩

眾人不識義逐利如鷺鳥紛紛生戈戟所爭毫髮小  
余誠鄙此態守分甘枯槁多病學養生為文欲入道  
此外復何求優游以終老

其二

早有二頃田不佩六國綬嘗笑蘇季子此語良足陋  
丈夫四海志謀功不謀富太公罷漁釣伊尹起耕耨  
哲人不可見經濟誰能究

動石

在牙山之  
桐林寺

萬石本皆靜一石胡為動雲根搖不定秋骨起如竦  
或言靈龜變或言仙人化其說極冥茫聞者徒驚訝  
天地蓋大巧奇詭萬類具水寒有溫井火熱有浣布  
石固物之頑動者安知無我今語此理欲闢齊諸愚  
傳聞貴里間園林恣歡娛玲瓏太湖質錯落平泉色

過銅津 卷一  
異觀頗羅列此石移不得豈無一車力祇應畏鬼神  
却令梵王宅獨專瑰奇珍掀身若掉頭不肯向塵境  
終愛此石美自動還是靜

省先墓

經年闕省掃今至淚逾滋看草新春色聽烏落日時  
露霜頻改節松柏轉多枝且看清明近重來觴豆持

俞汝成

漢雋

來宿有詩次之

衡門獨掩親朋少感子慙勤匹馬停中夜豪談頻擊  
節半生交誼久忘形曉星滄海分千里春鳥雲山共  
一亭天意祇應留好客且看寒雪滿階庭

過銅津

出郭無塵事江光雨更新坐船山自動臨水鷺相親  
湖上多亭子樓中少主人誰能借我住花竹寄經綸

生日

生日在何日乃在端午節兒時逢生日欣欣自歡悅  
母氏手持線縫我白紵衣母氏躬備饌啖我猪牛肥  
自從母氏歿終身無此樂長念劬勞恩泣涕食爲却  
年年見菖蒲感歎時序速誰言名日降其命多吉福  
他人喜具慶絲管弧夕張我生應不辰生日獨悲傷  
俞汝成贈余以詩用其韻和之

近齋集 卷一  
昔與俞子遊日日論文章茲事吾豈能君實逼漢唐  
班馬相上下李杜相頡頏奔如騏驥疾一日千里壇  
十駕何由及汗流不敢當吾儕今且衰鋒鏑始歛藏  
回思少年學祇是數墨行文章之於道魚目與琳琅  
南游溟渤壯望洋羨大方長書見我意宿習悔愚狂  
六經如耒耜始信其器良何用飾月露虛譽徒夸張  
君詩復有云聖言明且詳文與道不離道存文不亡  
同歸竟爛漫相期一何長不願人錦繡不願人膏粱  
但願明萬理洞如見垣臙西銘會一源太極具五常  
堯夫大鋪舒王霸與帝皇紫陽析微奧巨細無不彰

天覆而地載魚潛而鳥翔吾徒幸發蒙庶不溺荀揚  
稍稍去浮華一一完疣瘡與君秉此心趨步知其鄉  
文辭黜百家禮樂尊三王惟名不可求名多是身殃  
讀書以爲耕味道以爲糧百年得良友至樂共徜徉

晴

簾捲高亭積雨收靈山蒼翠淡霞浮縣人日出爭爲  
市漁子風輕且放舟蜂集海棠偏覺鬧鶯啼門柳更  
憐幽乘晴可向前川去古寺清溪幾曲流

古詩

墻頭菜花生蜻蜓上下飛庭中木蓮發蛺蝶相與歸

彼哉物之情各自探芳菲幽人倚杖立對此空歎唏

打魚歌

野田築堤高丈餘堤下水深多嘉魚官僮操網爭來  
集解衣作隊水中入上下丙穴驅魚去罟聲濺濺沉  
仍舉小魚罾草或巧匿大魚怒跳還自落我時携客  
過前川共觀漁釣坐柳邊茲事吾欲祇取適漁父却  
自誇多獲口含朱尾人如獺手擲銀鱗盆似澤養女  
操刀割鮮烹復有雪膾盤中盈平生自信無所好矢  
魚今夕還娛情他日貢湖見漁者機心猶恐萌又生  
到介湖聞主人觀魚往茅島

始識烏山面遙臨石浦頭故人秋水隔遠客夕陽留  
雨過丹楓濕潮來白鳥浮觀魚吾亦好且欲向茅洲

登永保亭

興逸催驅馬行如一棹風樓臨高鳥上山出巨漠中  
宇宙多遊子文章獨翠翁且驚西日盪空裏境何窮  
自水營乘舟向寒山寺次唐人韻

日出寒山霧捲天櫓聲驚起白鷗眠我行忽過江南  
路黃鶴樓邊且繫船

黃鶴樓

古寺移孤棹秋山望白雲湖光隨地別樓影帶潮分



磬靜僧何去松深鶴不聞坐來如有待吾欲喚仙羣

廉村李叔

德周

來過有志感詩呈于家君家君

命胤源和之謹書此以簡李叔

官燭牙州席共聯相逢話舊感流年樹思王母來時

種碑見先生去後傳桑海不堪懸涕淚桐鄉况復對

山川遺文顯晦真奇事更指量軒有揭篇

益山公會  
蒞是邑著

司倉記刻揭軒壁年久見逸  
家君取遺本重刻以揭故云

渡臨津口號

臨碧樓頭朝日赤臨津江上早霞青天長 宣祖乘

舟水樹老文成講易亭關海同連扼喉勢墩臺相望

控襟形時平正喜無征伐閑聽漁歌起遠汀

滿月臺

松嶽氣蕭瑟高麗似夢中黃鶯啼古苑碧草繞遺宮

五百天應絕三千地獨雄可憐臺上月盈缺自無窮

過平山觀玉溜泉

五月天氣熱鞍馬倦行役偶就嘉木蔭忽復得泉石

琮琤萬壑水峻嶒千仞壁不知火雲生但覺冰霜積

前臨大道傍却喜境幽僻蒼崖被松樹玉溜下盈尺

崖上三大字朱氏留遺蹟我詩何足詠題品已自昔

俯飲石間泉恍如餐瓊液仰視巖上窟若有神仙宅

遊齋集 卷一  
山高不可攀徘徊日已夕

到能城登黃鶴樓

西遊先向此樓前爲愛名區自古傳  
峽氣雲生觀德窟江光日射廣寒川  
誰曾再飾容歸鶴我欲三登訪  
謫仙五月舟中聞玉笛鸚洲芳草正依然

靈泉窟

不辨丹書字惟聞黑水喧始驚無日月更覺別乾坤  
仙子棲爲宅蛟龍出有門靈區如許秘肯向世人言

黃鶴樓詩寄平叔

去年一入寒山寺黃鶴樓邊曉泛舟今年又到能城

峽黃鶴樓中月夜遊兩地樓名同黃鶴不知何處真是黃鶴樓黃鶴上天不可見仙人去矣不可求獨立欄干空悵望回頭忽得鸚鵡洲芳草何萋萋白雲何悠悠始信今遊乃真境往歲詩識良有由此意曾向平叔說平叔謂我神仙儔且從平叔聞異夢滄江千里一夜浮飄然脚下生雲氣濯足俯臨滄江流知君詩思清過我李白崔顥可與侔我輩好仙兼好古天公亦許黃鶴樓中留願君須及秋風至丹楓翠壁月幽幽

避暑黃鶴樓

正是仙遊處冷然俗慮空樓高不受暑江近自多風  
隔水高峰在穿雲數帆同吾詩說難盡堪着畫圖中

鸚鵡洲

不有鸚鵡洲難爲黃鶴樓舟兼蒼壁轉江與白雲流  
禰子秋風怨崔生日暮愁何須問千古聊樂卽今遊

秋日登樓懷家弟

時有輕雲出鳳頭卽看斜日滿鸚洲灘聲峽裏新過  
雨樹色關西早得秋聽角屢驚思弟夢登樓還起望  
鄉愁天涯信使元稀少一首詩成一月留

能城江觀漲

江雨夜來足江流漲碧濤忽驚羣岫沒更覺一樓高  
過渚鳥猶濕逾灘舟自勞憑欄殊物色歌嘯意仍豪

練光亭

黃鶴樓中客孤舟浪上停山河無傑句天地有高亭  
日落長江白雲浮大野青狂歌俯巖石波底老龍聽

浮碧樓

登樓秋色至入寺白雲生江動朱蒙石山迴衛滿城  
興亡高鳥過今古夕陽明野樹天邊立孤舟萬里情

箕子墓

短碣倚荒草秋風正颯然至今祭箕子終古號朝鮮

日月懸皇極山河畫井田傷心大同水滾滾幾千年

涵碧亭

開亭因地豁憑檻俯江清漁唱關雲細人烟島樹平  
青山連古寺白鷺過高城吟罷乘舟去西林落日橫

平壤詩

我爲能州客長夏多愁鬱平壤一百里山水劇可悅  
八月涼雨晴狂興動飄逸命僕策馬去秋泥深過膝  
大江橫我前夕潮時盪潏奔流嚙長城雉堞渾沉沒  
雪霜翻高湧雷霆生怒叱巨巖水傍立勢障洪濤溢  
猶疑雙龍戰江漲玄黃血峨峨練光亭下臨鼉鼉室

長虹拖素縞明漢動天闕亭前繫舟楫登臨意超忽  
銀灘東屈曲錦岫背嶺峯松林蔽十里風至鳴琴瑟  
日光忽蕩漾孤島綾羅出回頭瞰城郭藩維壯施設  
城中數萬家撲地如比櫛崔嵬大將臺春秋鍊戎卒  
挹灑延清曠超臺更佳絕兩地一水同眺望境還別  
晚歷凌波橋池堂映森蔚芙蕖滿清沼綠葉明斜日  
游魚方出戲我樂同活潑還投城底宿餘興殊未畢  
清晨客扣門相對事恍惚洪生頗美秀文生亦真率  
握手展殷勤且與同舟發牽纜向洲渚鷗鷺若飛雪  
垂楊蔭西臯茅屋隱六七江轉石磴橫浮碧見翠岬

玲瓏十二欄倒浸琉璃滑高壁插雲霄長川赴溟渤  
青山互迴合大野東南裂仰瞻紅紗籠光廟揭大  
筆草木咸動色山川想駐蹕徙坐涵碧亭面前益軒  
豁北指岡巒奇牧丹何秀拔文武峙兩峰往往鍾豪  
傑林壑一盤紆永明孤塔屹堂儲白馬經殿置黃金  
佛舊時九梯宮今廢爲寺刹石壇藤蘿翳金井烏鵲  
聒烟霞秘靈怪往視麒麟窟豁垓地底神馬出其  
穴世傳東明王騎龍紫皇謁盤陀朝天石馬跡長不  
滅秋水沒蒼根白雲封素骨深知事謬幽聊復記古  
說步出城北門荒碑倚巒嶮千年箕子墓精爽來髣

髣東土有君師蒼生免被髮其道九疇明其教八條  
秩功德垂無窮血食享芬苾我來挹遺躅景仰心彌  
切秋風松柏下鞍馬久繫縶着屐還登山騁日渺空  
闊乾坤鴈塞接箕尾燕山割關西諸郡縣繡錯爭羅  
列蒼茫羊角島長風江海越萬丈立丹梯山巔留乙  
密仙鶴宛耳聞瑤草手可掇茲行信快哉萬象窮搜  
抉經覽亦已敘往蹟大槩撮檀君肇開國太師踵神  
哲子孫至否準九百運乃訖衛滿據大城右渠橫餘  
孽漢武置樂浪國號遂降屈扶餘始遷都唐皇竟討  
伐百濟與新羅紛紛相侵奪三韓復統合王氏興又

迎刃集 卷一  
勃年年長樂宮巡幸交車轍前王好遊豫後嗣恣淫  
佚天命我 聖祖赫赫樹鴻烈文明新開朔一變高  
麗末遐陬覃盛化人民息狡猾襟帶建雄鎮區畫正  
密勿都護分竹符方伯擁旄鉞時維帝 大明我國  
修方物烟花大同館屢迎 皇華節江山詩什清禮  
樂儀容潔 皇恩視內服事大情上達由來二百年  
邊圉喜寧謐不幸丙子冬胡騎敢豕突盡殺烽燧軍  
蹴踏風雨疾城池豈不險和議受侮蔑堂堂洪庶尹  
精忠貫日月血書罵單于臨死氣不折魂飛歸故國  
淚水長嗚咽往事難重陳志士空憤怛皮幣走遼東

于今國恥結 當宁聖明君至德 先休述三月朝  
宗門 壇墠禮無缺此義苟不泯足以攘胡羯願保  
關河壯洪基萬年吉

過松京謁先祖文正公書院

五冠山色碧摩空先祖留名萬古崇遺廟丹青松檜  
老子孫來拜夕陽中

其二

麗朝邃學有先生吾道東方日月明書院崧陽連十  
里同時圃老與齊名

其三

森嚴尺疏却胡元夫子春秋一脉存宇內卽今天醉  
久東人猶識 大明尊

花石亭

我行過栗谷八月江水寒洞壑正幽邃文成所盤桓  
危亭列花石結構倚江干丹楓映絕壁白雲在高巒  
夫子今已遠我來興感嘆空餘風月清遺像恍如觀

先生詩有山吐孤輪月  
江含萬里風之語故云

夜坐與平叔共賦

空山木葉落寒風夜宿窓間爐火紅忽聽隣家吹玉  
笛滿庭明月四更中

志喜

三十有三歲初男儘幸哉兒生屬冬至名字是陽來  
復占吾乘運剛知爾賦才門閭稍可望二姪又斯孩

月溪八景

南山雲霞

白雲簷下宿紫霞簾外流欲知初起處且看南山頭

前溪楊柳

家在清溪側溪柳蔭石門行人遙指點疑是柴桑村

谷口釣魚

谷口潭水清春來魚正肥白髮滄浪叟持竿俯釣磯

園中賞花

一夜山中雨園花千樹開東風香自動蝴蝶雙雙來

東嶺明月

團團嶺上月皎皎吐清光四更捲簾看還疑夜下霜

西亭茂松

鬱鬱復蒼蒼亭下立千松空山寒雪裏相看不知冬

松月樵歌

茅屋炊烟歇日暮飛鳥還樵客見明月長歌下青山

槐林寺鐘

青槐密成林枝枝上拂雲僧寺知不遠鐘聲隔樹聞

立春

日永潛雷後春生臘月中千山披積雪萬木受東風  
天道時方泰人心物與同題詩吾有祝爲學進新工

元日述懷

今日省我躬昨日愆尤積求道何不早學道何不力  
四十行將至無聞良可惕旣悟便當改何用徒悔責  
平叔寄一律用其韻答之

浩然明訓豈微茫一點燈光照几床君可從今求道  
義誰言讀此善文章乾坤須識人身大朝晝宜存夜  
氣長我愧伯恭能變化久觀論語尙心荒



再疊

日暮應嗟道渺茫  
盛年休撤讀書床  
德由志氣修無怠  
學以聰明進有章  
大禹惜陰功乃廣  
仲尼忘食樂逾長  
聖人與衆同天性  
勉爾須除物欲荒

山中賞花

輕風松下步麗日  
花間坐喜聽山禽  
語天機同物我

述懷

當仁不讓師勿以道  
讓人道本非高遠  
反求在我身天性具  
衆善日用行五倫  
指彼羣哲域勇邁斯  
可臻莫云日已暮秉  
燭夜如晨

其二

博奕猶賢已聖戒  
無用心寧以辭害  
意技藝徒沉淫  
文章枉費神歲月  
空駸駸樓臺百篇  
記花鳥千首吟  
不如移此力歸探  
道德林

瑞典途中

旅窓常早起馬  
上午眠侵氣鬱  
欣川響身疲  
愛樹陰鷺飛沙  
際遠牛臥草  
中深更遇蒼  
巖色悠然獨  
坐吟

朴淵

地上浮槎銀漢通  
二潭龍老白雲中  
噴聲直落千尋  
壁飛沫長吹萬木  
風定與廬山對  
天下更無他瀑在

迎齋集 卷一  
吾東臨淵便欲營茅舍從古居人我姓同

觀音寺

朴淵至觀音五里皆泉石曲折鳴不止耳喧境逾寂  
行疑瀑布響飛度滿林壑山深樵者稀獨往聊自樂  
被崖躑躅紅覆逕藤蘿碧磬音動高樹入寺已暝色  
雲間鳥隨人松下僧迎客寄宿梵宇淨臥處流水滴  
神清不能寐夜語共老釋天明策藜杖循寺探幽僻  
僧徒指古窟巖底蒼廳落沉深日月隱衿衲神鬼鑿  
中藏諸菩薩燒檀禮朝夕傍有香爐殿云是高麗作  
蒼茫累百歲樑棟仍不易深知奉佛愚異代起嘆惜

步上太宗臺綠苔翳遺跡澹滑臺前石平鋪若牀席  
清溪散淪漣山日照更白奇巖立如甕雙松根互錯  
剝木引舊井味冽當靈液勝觀諒非一徜徉隨所適  
龍庵望縹緲馬潭聽噴薄我行會春晴到茲窮搜索  
出山復回首重遊楓葉赤

花潭

青山邈迤大興南山下溪流匯成潭白石環列釣磯  
高古有處士結茅庵我來不獨玩林泉欲尋遺躅到  
祠前潭底羣魚爭出躍潭中止水虛映天恨余生晚  
不及門此理未與先生論遺墓烟鎖松柏陰荒碑雨

滋苔蘚痕逝斯亭前更徘徊巖花已落山鳥喧

善竹橋

下馬東門路橋臨溪水頭忠臣血猶在過客涕長流  
王氣前朝盡公靈萬古留整裾趨廟宇風起凜如秋

謁崧陽書院

聖祖爲周武松都卽殷墟赫赫鄭圃隱大節伯夷如  
橋留孤竹後山老採薇餘覺舍依松柏先生舊所居  
穆穆瞻棟樑肅肅拜庭除丹青凜如生碧血傳非虛  
豈惟稱節義斯文啓實初麗俗變椎髻箕封燦詩書  
本朝盛羣儒垂功千載於異代疇不仰我來益欷歔

吾先文正公同道齊令譽

九日室人在蒼谷送酒一壺時再從叔父同敦

公

師漢

分送菊花數叢摘花泛酒與平叔對飲

細君初送酒老叔更分花定得今朝樂方知九日嘉  
白雲生陋巷朱葉滿貧家却恨騷人輩蕭條每自嗟

漢湖拜贊善金公

元行

三洲遂學有淵源大老山林養德尊一覲和容心似  
醉從前恨不早趨門

過三洲誦先生歷歷三洲見夕陽之句謹書感  
懷

下馬過三洲恭懷文簡居屋宇雖已頽林丘尙宛如  
江明夕陽際木老霜氣餘我來遇茲景感歎爲躊躇  
遺風夙慕仰况瞻杖屨墟拜祠隨衿珮入院撫圖書  
小子忝外裔懿訓敢忘且

謁石室書院

金門森正氣石室肅遺祠江逝朝宗意山留景仰思  
麟經空有淚鹿洞尙餘規明月亭前立荷香滿舊池  
和汝成冠子詩

世稀行古禮君乃筮賢賓令子容宜服良辰首有中  
三加應進德百福定綏身遂使觀儀者欣然賀主人

其二

曾賀弄璋慶今看婚有期方知吾輩老已長故人兒  
起受冠時拜留持醮後卮學成如突弁爲誦甫田詩

曉發平山

客睡難爲穩關心杳去程聞鷄燈下飯騎馬霧中行  
遠樹連山暗殘星向水明常疑逢猛虎還喜有人聲

臨行與穉子

穉兒學語漸分明說向阿爺莫遠行吾亦思親如爾  
切安能爲子久於城

雪中過滿月臺

松都山下遊鹿稀  
滿月臺前寒雪飛  
寒雪飛愈蕭條  
麗王宮殿今已非  
可憐玉砌無人掃  
樵牧斷絕空山  
道荒城黯黯朝暉  
沒城上烏鵲凍未噪

近齋集卷之一

近齋集卷之二目錄

詩

別黃鶴樓

暮春汝成來過呼酒對酌汝成誦其落花春晚

二詩清宕可喜余方廢詩已久而自不覺其

吟詠遂依韻和之 二首

將往公州平叔送至銅津留別

雙樹山城 三首

登拱北樓

鄭參奉 鐔 來過奉贈

聽鳥

宋士俊

宅圭

自燕歧書室來留錦城蓋以先正  
續集謄寫也將歸送馬邀話

北樓觀漲

老叟

和平叔怪石詩

皎霞亭新居楓葉可愛舅氏騎驢臨賞設酒陪

話追呈一律

麻谷寺

內山五庵

五首

麻谷詩

徐孤青別廟

過沃川謁滄洲書院

喜從子慶吾至

癸未冬胤源在牙州書齋庶再從祖

弼復

來會

自其橐中出示貞憲公鶴臯公承旨公詩謂  
余曰吾家勤學美法此可徵矣余受以讀之  
蓋貞憲公之詩以惜陰之意教戒子姪鶴臯  
公及承旨公詩即無忘遺戒之意藹然皆可  
觀也余於是三復感歎因書一本藏置篋中

時時披閱以資警省又欲構拙語續附紙末  
以見追慕之誠亦欲奉承祖訓之一二而自  
癸未至今已八年拙業尙無寸進實自慨然  
遂敬次其韻以寓所懷

錦江戲題

錦江詠盆梅

上元日韓元禮

文洪

來過誦曉枕所詠一律余

愛其調格近古遂次之

大雪

巖上花

途中望見山厓村舍有思

月夜聞子規

途中惜春

農夫

閱平叔南遊詩題卷末

四首

霞亭雜詠

三首

感秋

蓮葉酒

汝成在

英陵寢齋余寄詩勉戒

病後自警

二首

秋日三從弟士高崇源士文廣源來過

菊花

秋日書懷

春日閒居灌沼栽花

端陽日省先妣墓

歲壬辰之春 朝家有養老令加資賜米仍令

其子孫設宴蓋 聖上寶齡彌高推恩於下

故有是 命於是我再從叔父同敦公進秩

崇祿時年八十五仲胤承旨兄以長湍府使

奉壽觴于京第會宗黨戚姻以為娛胤源來

與席末喜觀盛事謹賦一詩仍以獻祝云

雨後賞花

大廟洞寓居

廟洞雜詠示平叔八首

明月

咸鏡觀察使俞公漢蕭輓五首

泥南陋居

雜詩五首

有感

魯蘇胡三人詠三首



讀賈誼治安策

題故吏曹判書黃公欽梅城舊庄圖

清坐却暑謹次朱夫子夏日二首篇末屬意吳

士執允常仍簡求和二首

嚶嚶金公用謙以冬官典憲編摩館于洞中胤

源日往拜晤及其罷歸不勝悵然謹題以獻

二首

鳳麓金公履坤輓三首

金季剛集淳輓

讀太公丹書

悼密庵金公砥行

除夕書感

除夜懷家弟

上元懷家弟

汝成送馬相邀強疾往赴論文說詩意趣甚佳

三首

自警

戒子

示友

雪

潭陽金公

詰行 輓 三首

朝爽閣雜詠呈嚶嚶金公

五首

魚參奉景國

用賓 輓

俞兄汝貞

漢蔣 輓 二首

驟雨滌煩

追記春間臥病以見回蘇之喜

平叔和余前詩又用其韻和之

壬寅七月十一日我曾祖考忌辰也府君考終

于陝川任所今為六十一年矣是日行祭悲

愴倍於常年後二日追述感懷詩以示平叔

追記仁山舊遊以示平叔

曉吟

敬次先祖冶川先生集中二絕韻

早秋觀霽月

次李白紫極宮感秋詩

鳴蟬詞

靜觀

擬古

傳說

嚴光

種蘿菑

次白洲集韻

自歎

有感

曉枕得聲字

秋興

平叔與眷屬來留京中七朔團會余心欣滿賦

此以示

示從子宗輔宗慶 二首

送宗慶先歸驪江

秋興四十韻

夜吟

自警

朝日吟望

有感

南至後一日士執送示五絕一首有警省語令

人感發遂疊其韻 十首

癸卯二月二十四日夜夢與平叔遊墨溪得一

律第七句未圓覺而足成之

五十自警

詠花階

送玄湖俞叔

彥鏞

赴山清縣

奉呈箕城尹俞公

漢葛○二首

處士吳士執輓

四首

除夕述喜

近齋集卷之二目錄

近齋集卷之二

詩

別黃鶴樓

黃鶴高樓似故人江邊酌酒別愁新羽衣一舉能千里莫惜飛來入夢頻

暮春汝成來過呼酒對酌汝成誦其落花春晚二詩清宕可喜余方廢詩已久而自不覺其吟詠遂依韻和之

爾應無怨從風雨吾欲忘愁對晚山縱在泥中那可踐或飛天半且堪看餘香不滅三春後嫩葉仍多一

夜間生意元來無暫息好藏根柢過冬寒

其二

雨後山中春已闌聊謀麴米醉雲安林花盡落無人  
至庭草深青與子看簾動輕風來一陣窓明霽日上  
三竿惟將卽事爲怡悅莫道浮生是苦酸

將往公州平叔送至銅津留別

莫作江頭別江頭別可愁沙鷗飛漠漠雲水去悠悠  
立馬何須望乘舟不可留勉君安寢食書報解余憂

雙樹山城

紅雲一朵繞雙槐 聖祖戎衣壁壘開錦水魚龍爭

踊躍賊臣頭戴大船來

其二

長鯨腥血洗江波京國 回鑿將士歌莫道城池終  
有賴摠因 君德得人和

其三

一面湖西捍衛多當時觀察李潛窩百年錦水丹心  
照空使彌甥感慨過

潛窩諱命俊

登拱北樓

夏日雲升古堞頭千山飛雨過公州京華北望依雙  
樹江水南來有一樓此地關防元密勿吾曹詩酒儘

風流挽河咫尺仍移席不妨斜陽盡意遊

鄭參奉鐔來過奉贈

有客騎驟夕叩門錦江明月夜深言青山歷覽曾仍  
闢白髮多生氣尙存仕宦早知高士節貧寒每惜大  
賢孫北溪舊會中間隔相遇天南又一樽

聽鳥

山深啼百鳥夏日樹陰繁獨坐吾心靜啾啾任爾喧  
宋士俊宅圭自燕歧書室來留錦城蓋以先正  
續集謄寫也將歸送馬邀話

可愛尤翁後曾從石谷知吾方來錦水君適自燕歧

山雨留仍好林風話正宜先生有續集尙恨印行遲

北樓觀漲

江流高百尺直與朱欄齊大船不能去終日繫長堤

老叟

村中有老叟年已八十六步行二十里不用一筇竹  
耳能聽細語目能辨微色口能誦舊書齒能嚙乾肉  
問叟年已高何以能矍鑠自言少年時氣質本脆弱  
五十猶未期八十何曾卜唯以質弱故平居節所欲  
方壯慎女色向衰仍獨宿所以近九十聰明尙如昔  
此叟言可法少年莫戕賊

和平叔怪石詩

不道人工設還如鬼削然無根猶插笋有骨自成仙  
側穴深藏鼠中峰暝吐烟誰能辨真假一笑倚窓前  
皎霞亭新居楓葉可愛舅氏騎驢臨賞設酒陪  
話追呈一律

楓赤公來看池亭有一樽騎驢忘位貴授几仰年尊  
古石含雲氣寒花帶露痕新詩吾且乞好取飾林園  
麻谷寺

麻谷秋風匹馬輕湖西寺刹最聞名川流曲折通維  
驛山勢逶迤接茂城錫杖僧依蒼檜立籃輿吾入白

雲行石槽洗紙光如雪堪使遊人好句成

內山五庵

阿難庵

太華鬱岌曉庵在最高處到來非世間去天問幾許

迦葉庵

石竇深如窟玉溜響淙淙星壇架危巖鐵鎖白雲封

內院

岸窄容小庵山空多老樹僧言無別觀愛靜吾且住

上院

緣磴路頗峻經壑山始開僧指雲霧際完州入望來

臺上院

禪巢倚石臺扶筇千仞攀天光與山色隱映林木間

麻谷詩

麻谷稱大刹樓觀華有餘崢嶸五寶殿翠甍干太虛  
竦如鯨背伏跂如鳳翼舒煌煌塗金額璀璨飾瓊琚  
峨峨支柱石滢滑磨礚諸局闔何沉沉堂宇何渠渠  
中樑汗一牛大樑充一車丹碧燦玲瓏結構巧不疎  
或屈而螭蟠或起而蜃嘘或雕而爲龍或刻而爲魚  
微睇已恍惚深窺復躊躇金神據高龕手握紅芙蓉  
千佛擁左右羅列貝葉書玉燈掛繡壁香烟籠綺疏

四王守門戶方位分坤輿琵琶間長劔龍尾交畫旗  
重重十二房環衛法界墟三堂設大鐘百僧簇長裾  
茲寺儘雄傑所矚皆駭余仰視九層塔峩立庭除  
上有風磨銅風磨光自如寺舊經劫灰肇建何代於  
若非新羅中應是高麗初羅麗崇八關仁義爲土苴  
墨胡逞媚蠱惠師恣誑狙浮屠彌國中赤子棄耕鋤  
衣冠變緇衲髡首廢櫛梳奉佛若皇帝黃屋千人舁  
山藻藏龜蔡鐘鼓祀鷓鷯宮殿僭制度傾竭億萬儲  
問此從何出盡是民財漁土木殫工匠膏血浚里閭  
始知佛最奢誰言爾食蔬民窮豈無由惑世良可獻



古有昌黎子嘗欲廬其居

徐孤青別廟

巍巍紫陽廟徐氏祀傍宜異代長瞻像遺書早得師  
繫繩知行美喻卵驗心持有道方為貴斯人地本卑

過沃川謁滄洲書院

下馬欲趨院入門先看碑四賢真合道千載遂同祠

山想阿衡德

地名伊山故云

洲思晦父詩諸生如不學應愧

拜庭時

喜從子慶吾至

稚子乘轎自漢師老親看汝正怡怡方名已辨京鄉

異禮數能知拜跪為簾席門前馳木馬文書床下插  
花枝兒方嬉戲猶思讀千字時時向我披

癸未冬胤源在牙州書齋庶再從祖

弼復

來會

自其橐中出示貞憲公鶴臯公承旨公詩謂余  
曰吾家勤學美法此可徵矣余受以讀之蓋貞  
憲公之詩以惜陰之意教戒子姪鶴臯公及承  
旨公詩即無忘遺戒之意藹然皆可觀也余於  
是三復感歎因書一本藏置篋中時時披閱以  
資警省又欲構拙語續附紙末以見追慕之誠  
亦欲奉承祖訓之一二而自癸未至今已八年

拙業尙無寸進實自慨然遂敬次其韻以寓所  
懷

箱中遺什一氈如欲述家風在讀書日月何曾爲人  
住長途珍駕莫徐徐

錦江戲題

去歲登臨黃鶴樓今年又在錦江頭齊名李杜吾何  
敢漫有山川似舊遊

錦江詠盆梅

寂寞天涯少故人寒梅一樹得相親正堪日日花前  
飲好取清香入我身

上元日韓元禮

文洪

來過誦曉枕所詠一律余

愛其調格近古遂次之

山門晝掩風正淒北隣騷客過清溪庭畔寒松立何  
獨園中幽鳥飛相齊已得春酒開襟抱且將舊詩聽  
品題喜君官事多閒暇月明從我洛橋西

大雪

輕疑元一氣亂落竟千巒大地難容積長天未見端  
道途行盡絕樓閣坐猶安定見來牟熟今冬且耐寒

巖上花

巖上有奇花不種生自然所托地高峻雨露承最先

途中望見山厓村舍有思

山轉溪回一路斜，疎籬桃杏見人家。  
年來已厭風塵鬧，安得誅茅共水涯。

月夜聞子規

春深子規出，夜靜向人言。  
月下聲無盡，花間血有痕。  
但看禽鳥小，誰識帝王尊。  
尙憶青袍士，當時拜劔門。

途中惜春

南遊祇十日，今朝又北歸。  
惆悵去時路，山花落已稀。

農夫

農夫立田中，泥土沒兩足。  
若使貴人見，詎甘方丈食。

閱平叔南遊詩題卷末

白馬江流一帶迴，釣龍臺勢立崔嵬。  
當時未見今如見，吾弟新詩盡取來。

白馬江

曾向鷄龍山下過，蒼蒼千仞望峩峨。  
問君登覽果何似，怪石靈泉其上多。

鷄龍山

麻谷山中去歲遊，白雲疎雨正涼秋。  
君歸更道風光別，四月濃陰綠樹稠。

麻谷山

憶我維舟錦壁時，藤蘿葉赤早楓疑。  
問君夏日張絲竹，驚散林鳩又一奇。

錦壁亭

霞亭雜詠

石塘

石池開如鏡中涵一尺水但當來山月肯容着泥滓  
荷花

芙蕖本幽潔托根在方塘翠葉香先動况復花吐芳

荷珠

山雨滴荷葉葉上明珠生大葉平不轉小葉敲猶擊

感秋

山中羣卉日以衰秋氣蕭瑟使人悲霜露已墮白鴈  
後風雨欲來黃菊時大化推盪四序變浮生荏苒百  
年期宋子潘郎未聞道謾用心力爲麗辭

蓮葉酒

蓮葉包麩米一夜熟爲酒朝來洗白缸捧向池邊取  
醲郁盈我卮芳馨入我口甘以珠露濡爽以玉泉受  
君子合清聖心醉其德厚一飲蘇我病再飲延我壽  
却笑陶元亮惟事種秫畝

汝成在 英陵寢齋余寄詩勉戒

君住黃驪江水濱清心樓上挈壺頻尋常過處名猶  
顧肯許靈臺着一塵

病後自警

病中易動唯心氣病後方生是善端持養寧容忘造

次工夫隨處進修看

其二

久矣沉疴廢讀書今朝開卷意何如  
治心始可治身病古聖良方敬字餘

秋日三從弟士高

崇源 士文 廣源 來過

城東二弟盡清眉不見于今問幾時  
喜爾同來黃菊節與吾相對白醪卮  
泉分澗壑源非遠樹老庭階蔭自垂  
情話秋窓移日影衰門交勗在書詩

菊花

黃菊逢秋也自開風霜不與衆芳摧  
若非本色爲中

正那得終成晚節來

秋日書懷

病後容全瘦秋來髮欲衰  
神仙元是妄賢聖奈難期  
赤葉蕭條墮黃花寂歷垂  
古人曾炳燭來日尙堪追

春日閑居灌沼栽花

幽居春日永經濟在林間  
汲井添池水移花附石山  
雲烟新有色亭閣好爲顏  
茲事雖非俗還嫌意未閒  
端陽日省先妣墓

空山香火祭先慈  
雨濕櫻桃露滴卮  
每遇端陽增感涕  
今朝正是我生時

歲壬辰之春 朝家有養老令加資賜米仍令  
其子孫設宴蓋 聖上寶齡彌高推恩於下故  
有是 命於是我再從叔父同敦公進秩崇祿  
時年八十五仲胤承旨兄以長湍府使奉壽觴  
于京第會宗黨戚姻以爲娛胤源來與席末喜  
覩盛事謹賦一詩仍以獻祝云

壽域公方近九旬斑衣兒亦白鬚人稀聞蔭路躋崇  
祿屢見 清朝養老臣 北闕米頒 恩詔下西州  
牲至錦筵陳是時我病猶能起來共諸兄祝萬春  
雨後賞花

雨洗蒼壁淨林木含餘霏崖滑人猶上谷晴禽自飛  
村花入斜日紅紫映輝輝芳草坐仍久且乘明月歸

大廟洞寓居

寓居心緒亂涼雨更蕭騷漠漠親朋遠棲棲病客勞  
定嫌東巷隘終憶北山高賴有移盆菊吟哦作興豪  
廟洞雜詠示平叔

其二

爾居真如贅猶勝儻人家丈夫有志業貧困不足嗟  
庭北有葵花墻南有菊花秋風八九月景物亦云嘉

其三

爾有聘母賢愛汝館不捨外孫八子女羅列戲床下

其四

爾方新入洞隣里無相識居久當有交擇端以資益

其五

自賣楓石亭棲屑來此地宇宙一逆旅漂漂何足喟

其六

隨身一卷書造次不離手窓下時伊吾潛玩到夜久

其七

夜靜養閑堂秋蟲唧唧鳴巡階一徘徊小庭月色明

其八

我寓終當撤分析始爲悵猶喜洞非遠往來日無曠

明月

雨後涼氣動明月照天心銀河濯愈潔雲霧不敢侵

咸鏡觀察使俞公

漢蕭輓

童時憶在洗心臺仙樂聲從玉洞來我祖張燈迎笑

語看公頭上桂花開

其二

半世清朝不辱身雅齋嘉號豈浮真居家睦誼知難

得吾爲公私惜好人

其三

錦水相逢五月天蛾眉搖扇匝華筵廣寒樓上寧親  
返玉節輝輝向北邊

其四

別後天涯霰雪盈南來幽問忽心驚有書吾弔蒼山  
子夢裏誰思哭此兄

其五

丹旌飄拂朔雲愁萬里行人涕盡流忍說北堂啼鶴  
髮可憐南府棣華留

泥南陋居

鬧熱城東里逼窄路傍屋咫尺軟紅塵門外磨車轂  
呵辟走兒童窺觀艷心目街巷喧鬪鬩市肆紛馳逐  
我性本喜靜處此非所欲嘗家三清洞盤桓依林麓  
偶然移到此只被事牽促心厭非閒僻五年如局束  
徐思意復坦無入不自足苟使吾心清湫隘亦空谷  
何干彼擾擾閉戶書可讀非敢慕大隱城市藏高躅  
有如逆旅人所到便止宿

雜詩

屋壁淋有痕三夏經潦雨泥乾鳥猶啄草深蚊自聚  
矮簷受夕陽炎熱轉愈苦麻葉青已舒匏花白始吐  
小庭乏景物惟茲怡所覩北窓風時至聊披書一部



其二

莫道日如年寸陰元倏忽誰將棊一局枉了夏三月  
晝寢吾不敢聖門所責罰病猶行盥漱倦亦用巾襪  
無客獨危坐玩書真味發擾擾路上人奔走多中暵

其三

科舉同銜鬻昔赴今悔之軒駟非我願鐘鼎非我思  
但恨風俗薄未挽三代治三代直道行今民亦如斯  
均田制恒產仁政次第施如有羣賢作何必吾手爲  
有耳聞太平草茅亦足怡

其四

霜髮不自嗟久生其幸歟老妻供粥飯令我免怒如  
弱子備灑掃餘力猶讀書於分斯爲足何用歎窮廬  
有時命奴僕引水灌田蔬

其五

性拙甘寥寂多病辭交遊舊詩閑自改新書懶未求  
庭草亦已衰徘徊發孤愁浩浩道云遠駸駸年易遒  
胡爲日悠泛德業不進修

有感

厭聽蒼蠅聲喜聞寒蟬鳴吾何偏憎愛物自分濁清

魯蘇胡三人詠

魯連恥帝秦者也蘇武恥降虜者也胡銓恥事金者也是三人皆有得於春秋之義者余竊感焉遂各詠而贊美之

誰從東海欲沉身玉貌先生憤帝秦六國不知牛後恥當時高節獨斯人

陰山雪窖嚙毛氈漢節全歸十九年衛李二人堪愧殺穹廬拜跪飽腥羶  
尺䟽崢嶸耀日星偷生肯處小朝廷都城紙貴聲名壯塞外傳看虜骨青

讀賈誼治安策

賈生論三代自任天下計教化立其本禮樂興其廢生於秦坑後從誰講古制劉氏運方隆上有却馬帝胡爲尙痛哭若在危亡際大腫指如股良醫有妙劑意欲張四維矯揉流俗弊易服改正朔洪猷賁斯世君王喜謙讓大臣多忌蔽斯人之不遇漢民未受惠

題故吏曹判書黃公

欽

梅城舊庄圖

梅城一壑尙書村靈閣賢臣返葦門久爲時憂休爵祿好將君賜侈盃樽窓前山面來朋友園裏松枝長子孫花石傳家新有畫宛瞻高躅出塵喧

清坐却暑謹次朱夫子夏日二首篇末屬意吳

士執

九常

仍簡求和

病軀畏煩暑三旬不出門庭畔幽草長墻隅嘉木繁  
山禽啼永晝闋無是非喧深悟靜勝熟老聃留妙論

其二

向午風乍清欲雨雲更陰簷角望雲山夏木翠樛椽  
一讀紫陽書涼意滿虛襟睠焉吾良友只應同此心

嚶嚶金公

用謙

以冬官典憲編摩館于洞中胤

源日往拜晤及其罷歸不勝悵然謹題以獻

偶然杖屨憩城東病懶吾猶日拜公館宇清幽杯酒  
好襟期如接古人風

其二

委貌峩峩在首邊日長閒寫考工編若令此老為時  
用禮樂堪興四百年

鳳麓金公

履坤

輓

茅洲蔚騷雅大家鮮儔匹後來繼遺武公又挺奇質  
少小語驚人秀句藻思溢中歲困坎壈高調益宕逸  
臥疾清風閣吟哦送長日三池水灌硯翠屏雲遶筆  
北山神鬼泣萬象籠輪畢農淵有光輝槎川與頽頡  
雖未鳴國家千載傳可必蛉兒守塵篋彩虹中夜出

其二

布衣蓄慷慨掀髯談古昔老應忠良舉竟負王伯策  
傲睨碌碌曹末官聊混跡西氓哭歸輻未及咏歧麥  
生平一以窮六十如駟隙壯心理厚壤寒月照松柏

其三

先人爲公戚嘗稱叔也傑公至爛風采兒童見每悅  
及長讀公詩欽仰屢擊節心思效嘖爲終愧余才拙  
駑駘空蹙蹙前駕影已滅通家誼更敦忘年情愈切  
遽然失此老故里風流絕蕪詞曾被賞引我古人列  
今作誄公章九原詎評說

金季剛

集淳輓

二母臨衰日諸兄在遠時踟躕魂定顧嗚咽巷皆悲

峽水靈無賴湖程識有知哭君何所慰猶撫六齡兒

季剛聞襄陽有靈泉能療人病就飲百餘椀嘗與人  
往湖中見路上纍纍塚指而語曰人生皆如此豈不  
悲乎未幾季剛死  
云第二聯及之

讀太公丹書

八十鷹揚牧野中桓桓猶是一時功何如敬字丹書  
訣萬世真開學問工

悼密庵金公

砥行

蓬戶老蔬褐弟子志原思克怨雖不行猶容勉強爲  
賢哉顏氏子簞瓢樂怡怡吾觀密庵公千載庶幾斯

通齋集 卷二  
一生寢無褥四日竈不炊人謂堅厲苦公自坦蕩夷  
天質本清剛屏門學有資論說不必同益見尊其師  
夜燈思一字鷄鳴坐尙危機鋒峭斬截剖劈善利歧  
千書盡籤紙一一如蠶絲有守金石固賁育不能移  
孝友宗黨服忠信州里咨虛室澹生白心齋絕妄馳  
公身豈獨善兼濟實自期禮樂三古復刑政一代宜  
胷中鬱範圍遇時行可施束帛微不及抱關貧亦辭  
可惜經邦手空死堪巖陂余愚幸識公藩籬粗有窺  
疎才謬見獎大道欲偕之薰陶醉我心針砭銘我肌  
花巖春水鳴旅榻三日隨講說此時多津津釋我疑

願言承嘉惠少變庸魯姿忽焉公棄我我學將賴誰  
公訃來二旬我又父喪罹曾子哭子張愚未效前規  
公靈雖或諒我心寧不怵追題蒿里章南望雙涕垂

除夕書感

坐看兒童娛歲時我心何事獨悽其未應一夜便成  
老只爲百年漸若馳多病易拋文史業不才難就聖  
賢期終嫌杜甫厭拘束四十空吟爛醉詩

除夜懷家弟

春建仍除夕孤燈意緒紛無心柏葉醉有恨棣花分  
道路盈唯雪山川望盡雲新年知會面還喜曉鐘聞

上元懷家弟

聽鐘看月付人忙  
寥落燈前伴一觴  
分散久應憐鴈影  
團圓應復羨蟾光  
難逢蒼友過今夕  
定對清翁說故鄉  
獨有詩篇能遠去  
佳辰每送慰愁腸

汝成送馬相邀強疾往  
赴論文說詩意趣甚佳  
不辭頻到醉君卮  
爲愛曾襟出俗奇  
吾輩已衰猶舊癖  
相逢各問有新詩

其二

文章示我滿箱儲  
自解縻官益著書  
更喜君家佳子弟  
雄詩百句乃翁如

其三

峻喜樓邊美酒多  
天涯應少故人過  
何如相對南山下  
買取村醪共笑歌

自警

自言寡嗜慾白髮見何早  
無乃方寸中猶未滌煩惱  
忿怒易觸境悔恨多掛抱  
焉有廣胖功不學便衰老  
吸氣知近怪煉丹悟非寶  
操心獨要妙魯齋此言好  
從今猛用力庶幾終聞道

戒子

東坡願愚魯激哉非正義  
淵明責太早過矣亦私意

唯貴忘助間中道慈嚴備汝父素無教汝長尙如穉  
汝今年十五弁髦九容事古人入大學汝心得不愧  
文藝固宜有莫如敦行誼榮達非不好先法必無墜  
吾觀人子弟忿爭且狎戲幼習漸馴成壯大未盡棄  
汝勿效此行謹飭遜其志汝能守此戒我何煩呵詈

示友

六經久無述仁智吾罕覲文章乃浮華山水亦物役  
可惜奇儁人多向此歧適花筆謾鏤肝蠟屐未休跡  
馬遷終離道猖狂果何益何不移茲好義理真工積  
虛譽不足尙真味應難易願告吾黨士同歸庶無斲

雪

孟春霧又雹陰曠自曉朝霰雪雨交下竟夕亂漣漣  
點點墮便無不現而自消川冰半成水馬行泥及腰  
欲出畏衣濡愁坐鬱難聊未曛窓牖黑燈膏促爲燒  
呼兒寫舊詩意欲破寂寥逐篇屢改字筆遲漏聲遙  
但道霰已止未覺雪猶驕久乃出戶視盈庭堆瓊瑤  
四顧還失野柔祇比皓霄無聲潛自積有光紛如搖  
林木擎仍重六花遂不飄同雲釀所成北風吹以瀟  
雨雪本一氣融凝變晝宵乘溫俄潤澤遇寒倏蕭條  
冬春節互換陰陽候難調物理諒可觀色態復此饒

或結如大席或碎如輕綃或飛如龍鱗或漲如江潮  
或如公子帶上國觀英韶或如將軍鏃大野倒射鵞  
或如君子劔欲辟諸邪妖或如俠客馬馳驟嚙金鑣  
若比美女顏塗粉羞粧嬌若比老人髮對鏡歎貌憔悴  
孤燭照軒楹吟嘯首頻翹銀海來浩洋玉山立峇嶢  
泥滓淨以盡氛祲廓以銷日豁神又爽耳悅聆仙簫  
深更始假寐夢泛山陰撓尋尺臥難付枕上但聞颺  
天明擁帚入僮僕相叫囂起視高十丈不辨近與遼  
萬家蔽薨瓦九陌迷梁橋紅塵不能起大路寂軒輶  
關嶺杳不通驛店滯旅僑深難用木屐寒欲重裘貂

餘霏灑未已日出猶飄颻引之有回風蓬蓬又刁刁  
厨濕遲爨烟井凍懶汲瓢門前開小逕谷裏斷羣樵  
高嶽頂何沒巨浸所未漂松柏隱蒼髯非是改後凋  
千柯封無罅一枝不借鷄但惜饑鳳凰差喜噤鷗臯  
節想胡羝乳狂笑越犬姦素鹽億萬斛運豈六丁招  
大麥百千畝又訝生無苗若盡變爲真民不憂腹枵  
造化雄且巧畫師筆難描空江只蓑笠何處有芭蕉  
斗酒力雖微佳句興堪挑山家乏一驢共賞朋未邀  
無人復何思獨玩意迢迢感爾氣清虛憐爾容潔昭  
願言澡余躬用爾方寸澆義利戰冰炭寒可勝熱焦



庶幾同皎曠脫然塵垢超羊孚贊未洽相如詞謾雕  
焉用事白戰浮習騁輕佻願效游楊立摠衣學道要  
河南今已逃安所仰泰喬念此空歎息抱經坐蕭蕭  
忽復作欣然一誦三白謠豈唯祭蜡前亦在建寅杓  
其祥驗豐熟其惠歸裝穗來秋百穀穰歡樂均耄髯  
未敢獻賀詩草野異廷僚願與康衢氓含哺祝聖堯

潭陽金公

喆行輓

茗翁佩玦黑山行抗疏孤忠一世驚是歲公名銓相  
舉官由賢叔倍爲榮

其二

井邑寒天柿有霜潭州暑月竹風涼廉清到處騰民  
頌五斗惟資養北堂

其三

我因姻好慣知公卅載周旋仰厚風薤露短詞那盡  
說已先輸寫祭文中

朝爽閣雜詠呈嚶嚶金公

西山爽氣

公身雖簪紱公志卽山林朝朝看爽氣深得拄笏心  
雲臺看花

臺臨滿城花遊者皆春衣誰似曾點樂悠然舞雩歸

隱巖臨流

流水籠蒼巖塵囂耳不到倚杖俯清瀨朗詠招隱操  
古亭賞楓

公何愛斯亭太古嚶嚶意楓葉紅似花交映廟柏翠  
靜夜理琴

酒後撫孤桐山月來窓前不信無心久願和南風絃  
魚參奉景國 用賓輓

理悟存亡不自悲堯夫玩易數潛推松懸素月心如  
夢山近黃昏識見詩衰世竟難留傑士遺文只得付  
孤兒晚交吾恨從遊短誰與陶村共析疑

俞兄汝貞 漢蔣輓

汝成曾把子詩評白鷺青驟句警清未得雲飛仍跼  
步吾知此語害功名 汝貞嘗有詩曰白鷺能行水青驟不上船

其二

五十猶非稱天時庭蘭復有一佳兒君家清始偏窮  
薄若比君身君不悲

驟雨滌煩

午炎客不來困眠暫支頤驟雨忽飄灑涼意生書帷  
起坐意悠然蟬聲在高枝菊叢墻下列榴實庭前垂  
病夫斷毫久卽此還成詩

追記春間臥病以見回蘇之喜

病痊却說病時艱如夢昏昏在鬼關客道證疑皆避  
去醫言脉怪且驚還那知生意噓枯殼竟復真元作  
舊顏無乃天教聞道死此身猶許住人間

平叔和余前詩又用其韻和之

新書借得置床邊長日何須睡嗒然烈士心雄猶伏  
驥高人風遠但聞蟬雲歸巖穴微爲霧雨灑樓臺細  
濕烟礮磊滿曾澆是酒呼童且解杖頭錢

壬寅七月十一日我曾祖考忌辰也府君考終  
于陝川任所今爲六十一年矣是日行祭悲愴

倍於常年後二日追述感懷詩以示平叔

陝衙喪禍忍追思千里無親助斂爲海印雲淒留舊  
墨紅流水咽送歸輻每年諱日長纏慕今歲周星倍  
覺悲失耦曾孫無以祭時來弟婦豆觴治

追記仁山舊遊以示平叔

仁王山色翠浮空尙憶吾家在此中聖井山下有聖在井飲  
泉來士女心臺鬪草走兒童花園詩句看金老松岸  
丹青有鄭翁金老卽思齋後孫鄭翁卽謙齋一自移居人事變峰巒

遙望舊時同

曉吟

睡罷窓間猶擁被曉鐘已動行人起北巷犬吠喧初  
息西隣驢鳴聞可喜霖雨乍收殘暑退微風入戶涼  
意始老夫身輕欲祛痾且乘新興爲吟哦日出山家  
復何事只向榴盆灌水多

敬次先祖冶川先生集中二絕韻

事有公私休汨了心無忘助卽天然文康詩語今猶  
誦願得追攀正路緣

其二

蚊蚋紛紛鬧百千古來浮世狹於船先生道大容何  
得歸隱山林自樂天

早秋觀霽月

暑從今日盡雨自昨朝收烏宿驚明月蟲鳴識早秋  
病餘仍老態閒裏且窮愁獨坐悲吟苦無人酒可謀

次李白紫極宮感秋詩

夙昔懷功名我髮綠如竹詞章用心苦嘔血日數掬  
濩落竟何成晚工求慎獨浮雲向空散飛鳥投林宿  
明年且五十此生已自卜韓子稱盤谷繚曲如往復  
深恨李愿愚不去終顛覆秋風動遠思海田稻新熟

鳴蟬詞

我性厭絲竹惟喜聞鳴蟬聲高赫炎外吟細清風前

近齋集 卷二  
有時戛餘音飛向他樹遷爾冠一何古垂綵色尚玄  
爾心一何潔但飲寒露圓所棲雖林間不與羣鳥翩  
兒童慎莫捕蟲中之高賢

靜觀

倚軒坐清晝羣物靜中視網密蛛自巧封深蟻亦智  
何如最靈者反昧患害避戕性以酒色滅身以榮利  
可惜一寶珠終令泥中墜

擬古

龜尾曳泥中繡犧入廟宮一榮與一枯死生竟不同  
莊周雖繆悠斯言理實通吾觀富貴子無德招殃災

如何前車覆後車又趕來

傳說

妙哉學一言千古誰先陳夢賚揚休命殷高有良臣  
昔當版築時尋常胥靡人一朝置左右卓矣聖賢倫  
遜志懋時敏厥修道積身豈惟人主用斯言上下均  
前哲何曾發嘉惠及千春時習魯論訓明德曾傳書  
若沂淵源來說命爲權輿所以余欽仰不啻伊虺如

嚴光

子陵辭光武歸臥桐江潯已入丹青求何無霖雨心  
才固下傳說所遇非高宗但識漢家制難爲三代隆

懷仁與輔義尙載遺文中寥寥孟子後此意誰陳之  
雖不用當世亦足千載垂我謂二子功大於扶鼎絲  
前賢已表章鈞石刻此辭

種蘿菑

語僕耕後圃葑菲種正時秋天方欲雨且被膏澤滋

次白洲集韻

孤露哀此生中夜涕如雪風樹嗟何及榮塗念已絕  
流水逝莫停浮雲起還滅吾髮亦已白悲歡屢歷閱  
身抱幽憂疾十年耗氣血辛苦性亦燥熱火腸內結  
羣書理會艱神思每恍惚去歲泣塵簞此身益熒子

秋風誰念寒敝衣不掩膝且欲遊山水兒子難離別  
寥寥守空屋何以送日月萬事皆由天分限不可越  
愁坐伴燈影蟲語淒似咽松楸入望眼往掃趁秋節

自歎

妻亡今二載轉覺苦難勝誰執裁衣尺親看計米升  
在家還似客有髮却如僧不寐秋宵永孤愁影伴燈  
有感

豐歲人心驕凶歲人心惡驕惡何爲然直由禮義薄  
水火非五穀夜叩人不與孟子戰國時風俗不如許  
世道日頽下歎息欲無語

曉枕得聲字

曉枕多蟲語秋窓有鴈聲人生元易老時序且堪驚  
霜露依楸願烟霞攀桂情終身吾事在晚學倘能成

秋興

西風吹我鬢毛華日送南雲鴈陣斜林木欲凋霜打  
葉菊英將綻雨催花念書老恨聰明減憂食窮憐疾  
病加強欲題詩慰寥寂杜陵秋興摠悲嗟

平叔與眷屬來留京中七朔團會余心欣滿賦  
此以示

喜爾全家至同吾半歲過向勞青草夢今合紫荆柯

一鼎羹煖煖長筵笑語和正堪娛晚境此日願將多

示從子宗輔宗慶

海左衣冠盛潘南門戶高子孫寧傲惰先祖本勤勞  
家法青氈在儒工素履牢吾衰已無望責勉在兒曹

其二

馬氏書辭切范公詩意勤古人行已訓汝輩就余聞  
學以心爲主忠移孝事君分陰知可惜痛博戒隨羣

送宗慶先歸驪江

九月江已寒舟行正覺難憂汝無僕從愍汝衣服單  
城中苦無食去矣新穀餐汝歸在川西買魚充朝盤

對之思父母父母猶未還離別多由貧送汝余浩嘆  
但願慎風波書報泊平安

秋興四十韻

七月幽風大火流宵中堯曆又殷秋蕭條已見黃花  
發倏忽難追白日留節晏三秋驚物換心長百歲惜  
光適天機暮境傷時易秋興騷家自古愁潘岳賦悲  
淹騎省杜陵詩苦在夔州光陰荏苒霜凋葉少壯須  
臾雪滿頭佳興四時娛未足新涼一氣感還悠春光  
乍閱昇平晝夏熱纔驚酷吏憂將到冬寒藏萬蟄先  
爲秋冷動羣啾人間雨過梧桐井天末風生荻葦洲

四德利惟和在義五行金是象爲收律從南呂歸玄  
鳥位屬西方振爽鳩懶婦亦應驚蟋蟀衰翁還自歎  
蜉蝣天時人事元相促形役神疲不暫休蒲柳未零  
心自在桑榆已迫道宜求蘧瑗晚悟流年似宋玉深  
悲異代侔明漢濯來天愈潔清商發處物皆孳蟾蜍  
宮裏眠娥兔烏鵲橋邊會女牛露滴林間楓瑟瑟風  
過窓外竹脩脩牛山日落齊公席汾水雲飛漢帝舟  
撫世百年稀樂事登山九日作清遊江天鴻鴈初成  
陣澤國鱸魚定上鉤身上單袍方換着手中輕箠已  
捐投豈無白酒携隣社定有黃禾取野疇庾亮樓高



談儘好枚乘濤壯病堪瘳螢飛漢殿空啼怨葉墜唐  
宮謾唱謳已惜春芳蘭質委還憐晚節菊花稠羈懷  
湘浦停孤帆別意河橋送遠軸節序駸駸渾海水朋  
知落落半山丘世人戕賊真堪恨吾黨工夫盍益修  
已設帷幃遮北牖稍親燈火坐西樓寒潭月影清相  
愛老圃秋容淡不羞白帝嚴威遵肅殺青年華習斂  
輕浮憂愁肯似窮人輩慷慨唯追烈士儔莫把朱輪  
誇富貴還看白髮到公侯難留壯歲空拋業易感蕭  
辰默數尤戴記用庚時令按義經畫兌占辭抽砧聲  
月冷千家動蟲語風淒萬壑幽玉露夜闌深悔惹金

丹歲暮妙詮搜誰將秋月冰壺貯願學延平入道優

夜吟

燈盡寒窓臥自哦秋冬交際百愁加庭階霜積花猶  
在簷牖星垂月已過夜以無眠逾覺永年因不學更  
驚多只應晚計耕漁好安得誅茅卜澗阿

自警

常恐妨書課久斷閒吟哦聊爲寫幽憂作詩還復多  
敢言罷約遵紫陽正是自罵如東坡風烟謾雕鏤日  
月空消磨縱得千篇盈篋中一字不能潤我躬由來  
放浪作騷客如何戰兢爲英雄

朝日吟望

盥罷憑軒望烟霜積遠臯天寒人戶靜葉盡鵲巢高  
老覺文章倦閒知富貴勞階邊殘菊在猶可泛盃醪  
有感

鏡中羞見髮如絲學業當年早失期却恨駑駘鞭不  
進悠悠大道日斜時

南至後一日士執送示五絕一首有警省語令  
人感發遂疊其韻

欲守持躬法須佩存心說寧用徒愧悔勉跂前哲  
再疊

講道天花墜弗踐徒閒說博約功俱至顏氏冠十哲

三疊

良友適因病三旬隔論說忽有新詩來相期學先哲

四疊

天時遇南至閉關玩易說善端如陽復擴來為賢哲

五疊

平生所厭看稗官與小說願從六經裏朝夕對聖哲

六疊

聖賢豈欺我片片赤心說學應變氣質性靡間愚哲

七疊

近齋集 卷二  
七情寂未發兆朕不容說動處分善惡知幾其惟哲  
八疊

惺惺固妙詮主一最好說千載寒水月心法歷羣哲  
九疊

養吾浩然氣關彼楊墨說內修方外攘孟氏真英哲  
十疊

目不接邪色耳不留淫說視聽宜無蔽洪範敘聰哲  
癸卯二月二十四日夜夢與平叔遊墨溪得一  
律第七句未圓覺而足成之

邂逅方知好營爲摠覺非偶携驪浦弟共到墨溪扉

入谷花迎酒登山日照衣坐來多勝景向晚雨霏霏

五十自警

五十日艾其髮蒼白禮杖於家可以衣帛人生到斯  
亦云已老老而無成恨學不早孔聖知命嗟余已違  
蘧氏覺非今或庶幾如得百年其半將來尚追餘日  
遂吾願哉

詠花階

累石花叢列庭階作小山偶成童子手仍解老夫顏  
日靜松陰細春深鳥語閒是中高枕得未覺近塵寰

送玄湖俞叔

彥鏞

赴山清縣

每惜江村老却人晚官今作使君身漢廷議賑勞先  
著齊邑求芻政更新雲路縱違成志業雷封猶可試  
經綸換鵝舊址山川好暇日臨池興更真

奉呈箕城尹俞公

漢葛

赤城霞裏臥三年浮碧樓高官又遷雙鳥翩然來去  
易西雲悵望杳神仙

其二

箕子遺都尚舊風仁賢院闢誦聲中從公爲問關西  
士誰復斯文繼遜翁

處士吳士執輓

幼不識綺紈習儉若寒門子長不入棘圍塲高如三  
代士惟有日夜讀書聲出自沁水樓臺裏讀書聲忽  
然絕寥寥六籍委塵几

其二

赫赫兮名胄陽翁節義月老文章君又挺生敦道學  
廣厥世美增聲光世人競稱歎精英淑氣鍾首陽如  
何故家大門戶一朝奄然去棟樑

其三

瀋陽使輶東歸在塗忽有人傳報家中碎寶珠父來  
見子子不待鬼伯催促兮不能少須臾行路聞之摧

近齋集 卷之二  
肝腸魂兮魂兮應踟躕

其四

爺孃號孀婦哭亡者無血屬賓客嗟朋友咽賢者志  
未卒鄉校洞口柳車出巷東病夫未執紼嗚呼宿契  
已矣難復續但將雙淚寄送薤露數曲

除夕述喜

千愁屬除夕一喜且堪言子婦新容美先姑舊法存  
家貧猶作餅吾病且携樽來日豆籩潔庶娛曾祖魂

近齋集卷之二

